



La Quotidiana
7007 Cuira
081/ 255 57 10
www.laquotidiana.ch

Medienart: Print
Medientyp: Tages- und Wochenpresse
Auflage: 4'183
Erscheinungsweise: 5x wöchentlich

Themen-Nr.: 278.013
Abo-Nr.: 1015977
Seite: 16
Fläche: 47'335 mm²

«Pigliar pi serious cultura ed art»

Riom: radunanza generala dalla Pro Origen

DA GION NUTEGN STGIER / ANR

■ **Aint igl frataimp ò la Pro Origen 1 310 commembers. Las producziuns dalla stad tgi vign, sustigna l'uniun da promoziun cun ena somma da 90'000 francs. Origen gioia er ena gronda rolla schi geia per la nova lescha da cultura, ò detg Andrea Hämmerle, igl president dalla Pro Origen.** La culissa per la radunanza generala 2016 dall'Uniun da promoziun Pro Origen ò do la «Clavadeira», igl nov teater digl Origen Festival Cultural. Radond 100 commembers èn nias a Riom per assister alla radunanza generala, tgi è er adegna en antop digls pi fidevels e generous ameis digl festival da cultura, tgi dat siva digl 2005. An sies amprem rapport annual ò *Andrea Hämmerle*, siva dad en onn president dalla Pro Origen, fatg varsaquants pansiert tar la cultura, tar Origen e tar la finanziaziun generala da producziuns culturalas.

«Origen è en'ovra d'art»

Andrea Hämmerle ò detg tgi Origen seia oz ena veira ovra d'art. An diesch onns seia Origen sa sviluppo dad en product tgi pacs faschevan stem tar ena enorma ovra.

Schi vigna discurreia aint igl Grischun da cultura, art, teater, musica e cant stetta Origen savens aint igl focus. Er an connex cun la debatta dalla nova lescha da cultura u schi geia per repartier daners da promoziun mantga mai igl nom Origen. Gist chegl tgi pertotga la basa da finanziaziun seia Origen aint igl Grischun en unikat, ò accentuo Andrea Hämmerle. Nigna otra instituziun culturala da noss cantun seia schi pac dependenta da daners digl mang public scu Origen. Chegl seian «angal» 13% e 40% dalla finanziaziun d'Origen dereiva dalla vendita digls bigliets. Igl Teater digl martgea da Coira per exaimpel vigna sustigna digl martgea e digl cantun cun 65%, dantant tgi dalla vendita da bigliets dereivan angal 11% digls costs pigl antier menaschi, ò punctuo igl anteriour cunsigliar nazional dalla ps. Chegl tgi pertotga l'economia regiunala, er schi chegl seia anc a blers betg pertschert, seia Origen da gronda valour, ò managea igl president dalla Pro Origen.

34 000 abitants u 2 400 abitants èn ena pulita differenza

Cun en preventiv da 2.1 milliuns francs an cumparaziun cuagl budget dad 1.9 mil-

liuns francs digl Teater digl maretga da Coira seia chel d'Origen per en po pi ot. Coira vegia pero 34 000 abitants, la Val-ragn grischuna gist igl dobel, dantant igl cumegn da Surses stgers 2 400 abitants. Igl visitaders digl Teater digl martgea da Coira seian ple u manc indigens u digls lis vaschigns, dantant chels d'Origen digl antier cantun e da tot las regiuns dalla Svizra. Sulet chel aspect conferma la gronda impurtanza digl Origen Festival Cultural per la regiun e per l'economia. Gist actual tgi igl turissem grischun seia ainten ena crisa tgi cozza anc en taimp seia taimp da discorrer er segl camp politic pi serious dalla muntadad dalla cultura e digl art aint igl Grischun, ò signaliso Andrea Hämmerle. Igl davos onn on igls commembers e donatours dalla Pro Origen paea all'uniun contribuiziuns per ena somma da 104 118 francs e da chels èn igl davos onn 90 000 francs ias a favour dallas producziuns d'Origen. Decidia on igls preschaints da betg dulzar las differentas contribuiziuns annualas. Actual-maintg ò la Pro Origen 1 310 commembers tgi dereivan per ena terza digl cantun Turiutg, ena terza digl Grischun e 30% dad oters cantuns dalla Svizra.

Datum: 05.04.2016

südostschweiz **LA QUOTIDIANA**

Redazione: Via commerciale 22, 7007 Cuir, tel. 081 555 67 10, mail: redaktion-ly@suedostschweiz.ch



La Quotidiana
7007 Cuir
081/ 255 57 10
www.laquotidiana.ch

Medienart: Print
Medientyp: Tages- und Wochenpresse
Auflage: 4'183
Erscheinungsweise: 5x wöchentlich

Themen-Nr.: 278.013
Abo-Nr.: 1015977
Seite: 16
Fläche: 47'335 mm²



Andrea Hämmerle, igl president dalla Pro Origen, ò drizzo clers plets an direcziun la politica chegl tgi pertotga igl sustign finanziel dalla cultura.

FOTO B. VERSCHUUREN